

LITIKO LETEMFUNDVO LASEGAUTENG

KUHLOLWA KWELIBANGA LELISHUMI NAMBILI

**SISWATI LULWIMI LWESIBILI
LIZINGA LELIPHANSI
(Liphepha Lesitsatfu)**

SIKHATSI: 2 Emahora

EMAMAKI: 80

CAPHELA:

- Leliphepha linetigaba letintsatfu A, B na-C.
 - Khetsa umbuto MUNYE kuleso naleso sigaba.
 - Hlonipha imiyalo loniketwe yona kulesonaleso sigaba.
-
-

SIGABA A

UMBUTO 1

Khetsa sihloko SINYE ubhale kugcwale likhasi linye nahhafu 250 – 300 wemagama.

- 1.1 Imali bayibita impandze yesono, labanye batsi ihlukanisa tihlobo nobe iwisa emachawe. Bhala usekele lemibono uvete nemcabango wakho.
- 1.2 Bhala indzaba igcine ngalamavi ... “bengingati nkhosi yami”
- 1.3 Umgidvo lesabanawo ngelusuku lolwandvulela khisimusi ngete ngawukhohlwa.
- 1.4 Bacwangingi bayaphikisana ngalokuletsa tifo eveni labanye batsi yindlala, labanye batsi kwesweleka kwetintfo letifana nemanti lahlobile, tindlu tangasese kanye nemitsi. Bhala weseke nobe uphikisane nalemibono bese uveta luvo lwakho.
- 1.5 Bugebengu sebandzile eveni lakitsi, tiboshwa setiyandza emajele sekahlala aphuphuma. Bhala ngendlela loyibona ngayo lendzaba.
- 1.6 Litiko lemfundvo lifuna kugucula indlela yekufundza eminyakeni letako lelishumi. Lendlela ibitwa “Gauteng on line”. Bhala uchaze kutsi itawubanjani futsi itawehluka kangakanani kulesinayo lamuhla.

EMAMAKI ESIGABA A: [40]

SIGABA B

UMBUTO 2

Khetsa sihloko SINYE bese ubhala kugcwale likhasi linye nobe 120 – 150 wemagama.

- 2.1 Likhemisi lelisendzaweni yakini litsengisa imitsi ngelinani lelisetulu, futsi leminye yalemitsi seyedlulelwe sikhatsi, loko kungaletsa tifo letingalapheki. Bhalela Litiko Letemphilo ulatise ngalesimamnyango.
- 2.2 Likhaya lakini likhetsiwe njengalelinye lelitawuvakashelwa nguMengameli welive nakaphume umkhankaso lobitwa ngekutsi “IMBIZO”. Bhalela dzadzewenu umatise ngaloludzaba.
- 2.3 Kunelicembu lemambuka lelikhuluma ngemvelaphi yesifo sengculazi, labanye batsi sacala lapha e-Afrika kubantfu labasitsatsa etilwaneni labanye batsi sivela ngesheya kwelwandle. Bhala **inkhulumo-mphendvulwano** phakatsi kwalamacembu lamabili.

EMAMAKI ESIGABA B: [20]

SIGABA C

UMBUTO 3

Khetsa sihloko SINYE ubhale kugcwale likhasi linye nobe 120 – 150 wemagama.

- 3.1 Kushone sibali wakho, engotini yekudzilika kwemgodzi emayini. Umkakho akanaso sikhatsi sekubhala ngobe alungiselela umngcwabo. Umndeni ukucela usite. Bhala **umlandvo wemufi** ngalokuphelele.
- 3.2 Inkonzo yakini icokelela imali yekulungisa luphahla loseluvuta kakhulu nalina. Bacele kutsi lelo nalelo lilunga lite nalokutsengiswako, kungaba kudla, timphahla nobe ifenisha. Bhala **sikhangisi** lesatisa bantfu ngalokutawenteka enkonzweni.
- 3.3 Kutawuba nemdlalo lomkhulu phakatsi kwemacembu lamane, kudlalelwa indzebe ye Vodacom. Liphepha lendzawo likhombisa kutsi kunesikhala semsebenti, kuchuba lomncintiswano. Bhala **i-CV** yakho ubonise kutsi unelwati lwetemidlalo.

EMAMAKI ESIGABA C: [20]

EMAMAKI SEKAWONKHE: 80